



UNIVERSITÄTS-
BIBLIOTHEK
PADERBORN

Universitätsbibliothek Paderborn

**B. Haymonis, Episcopi Ante DCCC. Circiter Annos
Halberstadensis, Historiae Ecclesiasticae, Sive De Rervm
Christianarvm Memoria, Libri X**

Haimo <Halberstadensis>

Helmestadi[i], 1671

Liber X.

urn:nbn:de:hbz:466:1-10968

D. HAYMONIS
HISTORIÆ ECCLESIASTICÆ

LIBER X.

CAPVT I.

*De Ioviniano Imperatore, & de persecutione
Valentius.*

Post Julianum *Iovianus* ab exercitu trahitur ad Imperii insignia, qui excusat, se sacrilegis non posse imperare, quia Christianus esset; nec acquiescit, donec acclamat exercitus; *Et nos Christiani sumus.* Hic persequitur hæreticos, & honorat ecclesiam. Athanasium requirit, & ab ipso suscipit formam fidei, & ecclesiarum disponendarum modum. Sed hæc tam læta principia mors immatura mox corrumptit. Post hanc *Valentinianus* cum fratre *Valente* suscipit Imperium, expulsus quondam militia à *Juliano* pro fide nostra. Et sibi quidem Occidentales delegit partes, fratri autem Orientales reliquit. *Valentinianus* ergo fide & religione Romanam Rempublicam administrat, sed *Valens* favendo hæreticis abiit in viam patrum suorum. Orthodoxos quoque persequitur, tormentis excruciat, damnat exilio, sed hoc post Athanasii obitum. Nam illo superstite, velut divina quadam virtute prohibetur. *Athanasius Alexandrinus Episcopus*, quadragesimo & sexto sacerdotii sui anno moritur.

CAP.

-YAH.D

a N

Persecutio Christianorum ab Arrianis facta.

Igitur functo in pace Athanasio, post multos agones;
& Petro in locum ejus substituto, (quem & ipse sci-
ficatus de successore elegerat) favore Principis con-
citati adversum nostros Arriani, insurgunt vehemen-
tius. Tunc *Lucius*, Arrianæ pestis Episcopus, fugato
Petro, supra persecutiones gentilium, vastat & here-
num, & bellum quiescentibus indicit. Itaque tria mil-
lia & eo amplius viros per totam heremum solitaria
habitatione dispersos, armata manu oppugnare ag-
greditur; patresque Monachorum Ægypti, *Macarium*,
Isidorum, aliumque *Macarium*, *Heraclidem*, & *Pambum*,
discipulos Antonii, tradidit exilio: Qui vitæ merito
insignes, & virtutibus admirabiles habebantur. Pro
brevitate proposita, cætera omittens, unam *Macarii*
insigne refero miraculum. Coecus quidam ad cellam
Macarii, cum non reperisset eum domi, mœstus pri-
mo, sed mox fidei ardore calefcens; *Applicate me*, in-
quit, *ad illam partem parietis*, *ubi cubare solet senior*. Et
admotus, parumque luti aridi, quo paries oblitus e-
rat, palmæ suæ superponens, & de aqua putei, ex quo
ipse bibebat, resolvens oculos suos, perunxit, & mox
visum recepit. Sed & idem *Macarius*, catulos Leænæ
cæcos, à matre sibi objectos, cum pro eisdem bestia
supplicare videretur, liberat à cœcitate, donaturque
à bestia pluribus pellibus laniatis pro munere, ore

N 3

suo

suo advectis, & ante cellam ejus depositis. Sed his tantis virtutum mirabilibus non defert *Lucius Arrianus*, quin imo juber ipsos prædictos patres, clam raptos, in ignotam Ægypti Insulam deportari, ubi & multa operantur miracula, & convertunt incredulos. Quod expavescens *Lucius*, veritus populum propter istos tumultuantem, revocat eos, & ad heremum remittit. Verum dum hoc *Lucius* agit in Ægypto, *Valens* Arrianorum Imperator per alia loca non minus adversus nostros insanivit, maxime apud *Edessam* Mesopotamiæ urbem, *Thomæ* Apostoli reliquiis decoratam. Vbi de Ecclesia catholicis ejectis, nec in campo permittit habere conventum. Tunc, velut aurum in fornace probatum, in persecutione fulget Ecclesia; unde non in verbis tantum, sed in carceribus & exiliis vinculisque fides approbatur. Interea cum apud Alexandriam nebulosus quidem doctor *Lucius* obtenebraret populos, velut lampadem quandam divinæ lucis *Dydimum* Dominus accendit. Hic à pueritia luminibus orbatuſ, nec ideo minus litteris se applicans, mirum dictu, in tantam scripturarum eruditio- nem divino pervenit miraculo, ut scholæ Ecclesiasticæ illius temporis maximus doctor existeret. Hunc beatus *Antonius*, cum fidei Athanasii testimonium laturus, adversum Arrianos de *Thebaide* descendisset, magnificis consolatus est verbis: *Nihil te, inquit, offendat, Dydime, quod carnalibus oculis videris orbatuſ.* Desunt tibi

tibi oculi, quos mures, & muscae, & lacertæ habent, sed lætare, quia habes oculos, quos angeli habent, quibus Deus videatur, per quos tibi magnum scientiæ lumen accenditur.

C A P. III.

De Illustribus Basilio & Gregorio.

EA tempestate Basilius & Gregorius Cappadociæ, in star duorum cœli luminarium resurgent, ambo nobiles, ambo Athenis sufficientissime eruditi; qui, remotis denique secularium Græcorum libris, Monasterium expetunt, soli divinæ scripturæ attendentes. Basilius contemplationi monasticæ inhæret, contemptu sæculi humilior: Gregorius Ecclesiasticæ actioni, in prædicatione liberior. Basilius itaque Cæsareæ Cappadociæ fit Episcopus; qui cum à Valente in exilium cogeretur, & staret ad tribunal, præfecto minitanti, fertur eleganter respondisse. Utinam, inquit, dignum haberem aliquod munus, quod ei offerrem, qui Basilius matruis de nodo hujus follis absolveret. Cumque daretur ei spatum deliberandi; Ego, ait, in crastino tempore ero, qui hodie; tu te utinam nunc mutes! Et illa quidem nocte, cum uxor Imperatoris vehementer cruciaretur, & filius ejus unicus divina extingueretur ultione, rogarunt Basilius; & detinetur ad intercessionem, qui paulo ante expetebatur ad poenam. Itaque omnibus Catholicis expulsis à Valente, solus usque ad vitæ exitum, intemerato communionis sacramento, in ecclesia perdurat.

CAP.

De Gregorio Nazianzeno & Ambrosio doctore.

Gregorius apud Nazianzon oppidum in locum patris Episcopi, subrogatur, famosissimus in doctrina & hæreticorum validissimus oppugnator. Vnde & Constantinopolin ad docendam ecclesiam transfertur. Per idem tempus functo Liberio Romano Pontifice, Damasus succedit in Apostolatum; contra quem Ursinus schismaticus præsumit; Apostolicam sedem defendantibus alterutris, & bella moventibus, adeo ut humano sanguine implerentur orationum loca. Sed adest assertor innocentiae Deus Damaso, prudenti & innocentiviro. Et apud Mediolanum defuncto Auxentio, Episcopo hæreticorum, Ambrosius, vir primo Consularis, subito populi clamore Episcopus eligitur, adhuc tamen catechumenus; sed mox ante ordinacionem suam baptisatur. Valentinianus regnat x. annis.

C A P. V.

Mors Valentis.

Interea Valentinianus Imperator diem obiit, filiis suis Gratiano & Valentiniano relinquens imperium. Sed & Valens frater ejus, Gotthis insurgentibus, fugiens bello, flammis exustus est.

C A P. VI.

De Gratiano illustri Imperatore, & Iustina Imperatrice hæretica Ariana.

Igitur Gratianus cum fratre admodum parvulo post Valentem quoque Orientis suscipit Imperium. Hic plus

pius fuit ac religiosus, armis strenuus, velox corpore,
ingenio bonus, & plus verecundus, quam Reipubli-
cæ intererat. Vnde & ad curam, & administrationem
rerum *Theodosium* accivit, virum utilem, & armis ma-
turm, Orientis ei procuratione permissa. Qui *Grati-
anus* postquam multa religiose & fortiter gessit, & à
Maximo Britannorum tyranno peremptus est, post se
in occiduis partibus relinquit *Valentinianum*. Cujus
interim mater *Iustina* persequitur Ecclesiam, commi-
nans sacerdotibus exilia, nisi *Ariminensia* suscipiant
decreta. Sed & *Ambrosium*, turrim adversus hæreti-
cos validissimam, multa oppugnatione fatigat; quem
& persuaso filio parat exilio condemnare, sed à po-
pulis, incredibiliter amantibus Ambrosium, impedi-
tur. Qui *Ambrosius* adversus Reginam, non se manu
defensat ac telis, sed jejunii & obsecrationibus inde-
sinenter insistit; donec, vindice Deo, tyranno Maxi-
mo perurgente, versa in fugam, cum filio exilium
sortitur.

C A P. VII.

De Theodosio pio Imperatore.

Interea *Theodosius* beneficiorum *Gratiāni* memor, ad
vindictam ejus totis viribus Orientis insurgens,
sanguinem justum ulciscitur, regnum recuperat, fi-
dem Catholicam restituit, quam *Iustina* violaverat: &
inde

O

inde

inde ad Orientem regressus, sicut ab exordio regni, præcipitatis penitus idolis, pulsis hæreticis, congregatis Catholicis, in fide & religione & munificentia perseverat. Hic piam constituit legem, ut sententiae principum super animadversione prolatæ in diem tricessimum ab exutoribus differrentur, quo locus misericordiæ, vel, si res tulisset, pœnitentiæ non periret.

C A P. IIX.

Hæresis Apollinaris. De Martino, Hieronymo & extinctione hæretice pravitatis.

Sub eodem tempore apud Laodicæam Apollinaris Episcopus, vir sane in cæteris instructus, hæresim generat ex contentione, afferens solum corpus, non etiam animam, à Domino in dispensatione suscepsum, & pro supplemento illius rationabilis partis ipsum Dei verbum fuisse, prohibebat. Hinc descendunt Apollinaristæ hæretici proprias habentes ecclesias & dogmata. Tunc Concilium Romæ congregatur à Damaso, & Petro Alexandrino, & damnantur Apollinaristæ, data hac Decretali sententia; ut, si quis filium Dei humanitatis vel deitatis diceret minus aliquid habuisse, ab Ecclesia fieret alienus. Sed & Constantinopolis, sub trecentis quinquaginta Patribus Synodus celebratur, in qua omnes hæretici condemnantur. Tunc Martinus, Turonicorum Galliæ civitatis Episcopus, multis miraculorum signis effulget. Tunc Hieronymus pres-

presbyter in Bethleem, imo toto orbe, clarus habetur. De quo non sine magna admiratione suscipio, quare in hac Historica narratione à Rufino prætermissus est insigniri, maxime cum cæteros illustres viros & contemporaneos suos nobilitaverit eloquio, qui vel impares ei fuerunt scientia, vel, si pares aut superiores, certe omnimodo minus utiles Ecclesiis. Fortassis egit hoc Rufinus industria, ne videretur injuriam illi libello facere, quem idem beatus Hieronymus scribit de Viris illustribus, ubi & de se ipso facit in ultimis mentionem. Dicitur etiam, quod inimicitias inter se aliquando haberunt, & si fas est dici de tam sanctis & prudentibus viris, obliquis se respexere vultibus, & sermonibus notavere. Vnde forsitan à beato Hieronymo nunc sermonem historicum obliquavit. Sive autem propter hoc, sive propter illud omiserit, nescio: Deus scit. Vnum scio, quia prætereundus non erat. Vnde nunc idoneum duxi, vicem supplere Rufini, tantumque virum inferere narrationi, ut quasi quodam cornu aureo mutilata Historia, hujus insertione reformatur. Itaque ea quæ sparsim de eo dictata repperi, suffragantibus ejus meritis, in unum colligere breviter dispono. Sed jam ad Historiam revertamur. Interea Theodosius pius Imperator communem se præbens sacerdotibus Dei, extinguis jam hæreticis, in pace & quiete magna regit ecclesiás. Tunc idola penitus destruuntur, templa gentilium subvertuntur,

O 2

Tunc

Tunc apud Alexandriam ingens templum Serapis dejicitur, in quo tam vastum erat ipsius Serapis simulachrum, ut dextera unum parietem, alterum lœva pertingeret. Quod monstrum ex omni genere metallorum lignorumque compositum ferebatur. Hoc idolum dicebant statutis diebus salutari à Sole, quoniam arte erat compositum, ut per fenestram exiguum radius solis directus os & labia ejus, populo inspectante, illustraret. Sed in eodem templo signum solis, ex subtilissimo ferro fabricatum, magnete lapide desuper laquearibus infixo, ipsumque trahentibus, movebatur deorsum, &, tanquam ad salutandum Serapim altius elevabatur. Sed cum ad subvertendum hoc simulachrum nostri insurgerent, paululum territi retardantur, gentilibus pro certo afferentibus, quod si humana manus illud tetigisset, terra dehiscentis illico solveretur in chaos, cœlumque rueret in præceps; Tum ecce unus ex militibus fide concalens, correptam bipennem maxillæ veteroris illidit, nec cœlum tamen ruit, nec terra distenditur. Exinde adjuvantibus ad cädendum, senex veternosus distrahitur, & in conspectu cultorum Alexandriæ exuritur. Hic Serapis finis fuit, quem alii Iovem purant, alii virtutem Nili fluminis, alii Regem Aegypti Apim, alii in honorem nostri Ioseph formatum afferunt esse simulachrum, ob divisionem frumenti, qua sub-

subvenit Ægypto. Sed & intempslo *Saturni*, cum simulachrum deijsitur tyranni, ejusdem fani sacerdotis fraus comperta est; qui tanquam ex responso numinis suæ libidini placentes fœminas, dicens dignas esse *Saturno* Deo, & ejus vocatione, faciensque in templo pernoctare, clausis januis, & traditis clavibus, cum videretur discedere, per subterraneos aditus simulachrum ingrediebatur à tergo exesum, & pariete diligenter annexum, & mox supplicantem & intentam mulierem, quasi voce *Saturni*, advocabat. Sed & aliae multæ Paganorum fraudes tunc deteguntur. Itaque dejecto apud *Alexandriam* ipso capite idolatriæ, reliqua idola conculcantur, & veri Dei construuntur ecclesiæ. Interea *Valentianus* in Occiduis partibus laqueo vitam finivit, dolo, ut dicitur, ducis sui *Arbogasti*; post quem *Eugenius* tyrannus Italiam occupat, *Theodosius* inflammatus ad ultionem, & consulto *Ioanne Anachoreta* monacho, qui propheticō spiritu pollebat, *Eugenium* exuperat tyrannum, tam armis confus, quam jenuniis & orationibus. Tunc de inimicis ad Orientem revertitur, ibique *Arcadium* filium Augustum creat. *Honorium* quoque factum imperatorem Occiduis partibus delegat. Ipse vero jam subjugatis hostibus, jam eliminatis Idolis, jam sedata ecclesia, post decem & septem annos Romani Imperii, migrat ad Dominum, cum piissimis principibus per-

Q 3

ceptu-

cepturus premia meritorum. Hic *Rufinus* Ecclesiasti-
cæ historiæ finem facit; & nos quoque finitis perse-
cutionibus, hæresibus consopitis, fundata & extructa
ecclesia, quia post enumerationem tantorum Marty-
rum, Confessorum, Doctorum sive Patrum, nihil di-
gnius restat vel illustrius, hic cum eo suscepiti o-
peris compendium terminemus.

F I N I S.



D.HAY-